



**Poputan pochokunan** October 5, 2020

## An Unusen State Eureuren Suksefan – Prokramen Serafo

**Pochokunen Nemenem:** Otutun Nampa. 20-27, ORS 433.441, ORS 433.443, ORS 431A.010

**Pwonuetan:** Ei kapasen ourour ngeni ekkewe chon omwokutu ekkewe nenien camp neran fansoun summer fan iten semirit ier 11 me nap seni. Ekkewe prokram ra wisen tutumunu semirit seni kinter ngeni ier 12 repwe register ren Nenien Tumunun Semirit non Fansoun Atapwanapwan ika ekkewe mei license, me fiti ewe [Eureuren Nenien Tumunun Semirit me Pekin Sukun an Kukkun](#).

**Angangen Apochokuna:** Ngeni an epwe tufich ei ourour mei menei an epwe nomw fan nurun pwan ekkoch sokkun annuk, an epwe tufich wor pochokunan usun mei affat non ewe Pungun Atutun 20-27, teten 26.

**Awewen foos:** Fan iten ei ourour, ekkei awewen foos repwe tongeni wewefich ngeni:

- “Prokramen Serafo” mi apachanong, nge ese keuk seni, fansoun camp neran ika mwichen semirit ir ier 11 ngeni 18 fansoun chufengen kunokun neran ngeni ekkewe chon tumunur me nukun ekkewe neni mei license ren prokramen tumunun semirit. Prokramen serafo mei tongeni esapw wor semirit kukkun seni ier 11 me pwan ekkewe nenien tumun semirit ese lisenca.

Prokramen serafo epwe fori auchean an aninis ngeni Comprehensive Distance Learning ren semiritin-sukun (K-12) me pwan auchea fan iten nongonog ngeni saam me iin ir mei angang nge mei wor nour.

Pwokiten ewe prokramen Serafo mei auchea, mi namwot ekewe chon emwokutu repwe fiti pungun met Oregon Health Authority mi ani eureuren [ekewe nenien kukunow](#), [nenien taiso me imwen fitness](#) me pwan ekkoch eureuren neni mei suk ngeni ekkewe prokram epwe fis. Mi fokun namwot epwe or angang fengen nefinen ekkewe chon mesemes ren prokram me ekewe chon wisen tutumunu ekkewe neni epwe fis an serafo mokutukut ie.

### Eureuren Amokutun

**Meinisin prokram mei tichiki repwe fori ekkei:**

- Epwe wor neur taropwen kokotun tumunun semwen an esapw napeno. Ei kokot epwe pachenong:
  - Feri tetenin pungun angangen esinesin seni [Local Public Health Authority](#) (LPHA) faniten ekewe a torir ewe COVID-19 ren serafo me chon angang;

- Epwe fer angangen-tichikin non mak faniten epwe anisi LPHA,ren namotan, pwe epwe fat ian e torir me ian;
  - Tetenin pungun cheki serafo me chon angang ika mei wor asisinen semwen rer (Katon [Kinikin 1f ren Moneta ngeni Sukun, Tumunun chon Kaeo](#));
  - Tetenin pungun epwe tichiki io mei semwen me churi emon mei semwen esapw tonong non ei prokram; me tufichin kesipinon mokutun prokram.
- Makkei iten aramas iteiten non ew ran ekewe ir mi keffinita pwe chochon ew me ew kummi (“ekewe ir mi keffinita” wewen ekewe 10 aramas ika fen kisitiw ren ekkewe serafo non ew me ew mwich). Ewe angangen makken iit epwe nom ukukun 4 wiik mwirin wessinon ewe camp nge repwe fiti met mei namwot ar repwe kuta io mei wor ren ewe semwen, ika mei namwot:
    - Iten Serafo
    - Kunnokun wareto me uwei seni ewe neni
    - Ewe mei mukuno a wisen makei fansoun wareto me no (esapw pwan sain)
    - Iten ewe mei mukuno me nampan noun fon ren atapwanapwanen esinesin
    - Meinsin ekewe chon angang ir mi mesemes faniten ekewe kummien semirit (pachenong chon angang rekan epinasa nenien ion ese angang)
    - Iteiten chek ren emon me emon semirit, makei ika ewe chek mei eoch ika ngaw (kosapw pwan tichiki porousan)
    - Ika ewe prokram a wisen awora chitosa, epwe mak iter meinsin chon fiti me nampan nour fon (ika pwe ese mak non ekkoch taropwe).
    - Taropwen register ika pwan ekkewe ekkoch taropwe faniten chon camp epwe makketiw iteiter me neur nampa meinsin chon fiti camp me chon angang.
  - E nukku seni ewe nenien camp ion chon fiti camp ika chon angang mi pwa pwe mi nom unukun (e.g., chochon non imwan) ion mi uri ewe COVID-19 non ukukun ewe 14 raan.
  - Esinesin ngeni chon angang pwe resapw angang me esinesin ngeni iin me saam resapw wato neur kewe, ika a torir ika tori chochon non imwer pwichikar me mwor. Repwe nonom non imwer ukukun 10 ran mwirin ar ra semwen me tori 24 awa mwirin an wes senir ewe pwichikar, nge rese uun safeian ekkukunnon pwichikar, me essisinen COVID-19 (pwichikar, mwor, weiresin ngasangas, me feinsen) mei wessino. Chon angang me chon fiti camp ekewe ir mi mwor ika esapw ewe minafen mwor mi affat (e.g mwi, allergies, etc.), esapw tou seni ewe prokram. Prokram mei tongeni finata epwe angei porousen emon ika mei wor ren mwor nge epwe afatatiw won ewe taropwe.
  - Epwe or esinesin me angang ngeni ewe [LPHA](#) faniten nimenimen me awora ew neni ika epwe fen kesip, ika pwun a or emon e tonong non ewe camp nge mi uri ewe COVID-19.

- Esinesin ngeni ewe [LPHA](#) Ika a or ioien ewe semwen nefinen chochon chon angangen ewe prokram ika chon sukun.

## Unusan

### Meinisin prokram mei tichiki repwe fori ekkei:

- Anneani me apochokuna [Unusen Eureur ngeni Nenien Angang](#).
- Awora nenien sanitize, tetenun paaw, churukami me nenien kapich pwe epwe mecheres ngeni chon camp me chon angang.
- Afanafana meinisin chon non ewe prokram repwe tenu peur itetan (e.g., wesin aia imwen ngaseno, otun me mwirin mongo, mwirin ar tonong, mwirin ar mwesi, wesin ar tenu pwotur ika mwor) ngeni sop me konik non ukukun 20 seken.
  - Arukor-mei nofit ren sanitize-minen paaw (60-95%) epwe wor ren tetenun paaw, chinon chok fansoun mongo, amonata ika einet mongo me mwirin aea imwen ngaseno. Ika ese wor sopw me konik (e.g. non neni mei towaw), arukor-mei nofit ren sanitize-minen paaw ir mei tongeni aea; iwe nge, repwe achocho ngeni epwe wor sopw me konik nenien tetenun paaw.

### Achema ngeni ekewe chon angang me serafo repwe feri ekkei:

- Oponu omw mwor me mwesi ngeni tissue ika nepokun poum;
  - Mwitir moneno ekewe tissue ka pin aia non ekewe nenien kapich; me
  - Tenu poum mwirin om mwor me mwesi, pwan kapichi tissue wesin omw aia.
- Euku churi ekkoch fansoun-aturato me uwei-sefan ren omw kopwe:
  - Muut ngeni inn me saam ropwe nom nukun ewe neni pwe repwe makei iten nour semirit fansoun ar-war me repwene-no.
  - Muut ngeni iin me saam ika chon tumunu repwe fori mokutun towaw fesen.
    - ♦ Fiti kunokun fansoun-aturato me uwei-sefan.
    - ♦ Euku aea pisek mei chomong chon atapa (pisekin mak, nenien taropwe, me pwan ekkoch.). ika aea sanitize won ewe pisek mwirin an emon aea.
  - Awora nenien nimenimen paaw ren ewe asamen tonong—nukun ika pen ewe asam—pwe semirit me chon angang repwe tenu pour fansoun ar tonong.

### Apwonun won maas me eppetin won maas:

- Meinisin chon angang/counselor repwe aea pwonupwonun pwot me aaw, pwonupwonun won maas ika eppetin won maas, fan nurun ewe [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#).

- Meininis prokramen serafo repwe aea pwonupwonun aaw me pwot, eppetin won maas ika pwonupwonun won maas fansoun ar fiti ekkewe mokutukutun non. Prokramen serafo repwe aea pwonupwonun aaw me pwot, eppetin won maas ika pwonupwonun won maas me nukun imw ika pwe ese tongeni pwonueta ewe onu (6) fit towawen nefinen aramas.
  - Serafo ese tichik pwe repwe aea pwonupwonun aaw me pwot, eppetin won maas ika pwonupwonun won maas ren tufichin ika repwe tukken ika nounou pisekin nicketik ren atik brass ika neuneu woodwind. Iwe, pwan ekkoch epwe kapachenong epwe fis, ren anapano towaw fesen (ika mei tufich nap seni onu (6) fiit), anapano nimenim, ekisano chochon ew kumi, ika fori mokutun non imw, ren Kinikin 5f me non [ewe Monetan Sukun, Tumunun chon Kaeo Eureur](#).
  - Prokras epwe awora pwoopwonun won maas ngeni ekkewe serafo ese wor ia repwe kut ian ar pwonupwonun won maas ika ekkewe rese uwow ar.
- Serafo ese nifinifin ierir **resapw** aea pwonupwonun pwot me aaw, eppetin won maas ika pwonupwonun won maas:
  - Ika mei wor ar samwaaui mei aweiresi ar repwe tongeni ngasangas;
  - Ion mei wor terir mei eppetin an repwe tufichin aea pwonupwonun pwot me aaw, eppetin won maas ika pwonupwonun won maas;
  - Ika ese tongeni epwe pwisin eti an we pwonupwonun pwot me aaw, eppetin won maas ika pwonupwonun won maas; ika
  - Fansoun annut.
- Prokras esapw esipa ekkewe sokopaten mwokutukut me kinikinin kaeo ngeni ekkewe semirit rese tongeni aea pwonupwonun aaw me pwot, pwonupwonun won maas ika eppetin won maas. Chon angang me serafo io mi wor an sokkun semwen mi weiresi ar repwe ngasangas ika ew weningawen inis epwe esenipa an emon esapw tongeni aea pwonupwonun aaw me pwot, eppetin maas, ika pwonupwonun maas ra tongeni tungor aninis seni ewe prokras ar repwe muut ngenir ekkewe sokopaten aninis meininis mi or me pwan ekkewe ekkoch anen aninis, ekkewe sein wou aramas, me pwan ekkewe neni mi suk ngeni meininis. Ew wewechon anapanap ese pachenong an epwe mutanong emon chon angang ika serafo epwe fiti ekkewe mokutukut nge ese aea pwonupwonun aaw me pwot, pwonupwonun won maas ika eppetin won maas.

## Angangen kutta esisinin ewe semwen. Nge ika emon mei semwen?

### Meininis prokras mei tichiki repwe fori ekkei:

- Cheki ika mi wor mei mwor me pwichikar chon feito ngeni ewe imw/neni ika chon angang ngeni serafo me chon angang. Ion aramas mi uri pwichikar mei watte seni ika nene ngeni 100.4° F resapw mumuta ar repwe tonong. Esapw iteitan chon urir COVID-19 epwe urir pwichikar ika mwor. Esisinin COVID-19 mi pachenong pwichikar me mwor, me pwan, mwi ika weires an emon epwe ngasangas; semwenin pwichikar; feu; metekitek non inis; metek non chior; esapw neni anan me tini popon.

- Ika iin me saam rese tongeni cheki an neur tempuchu, mei tichiki pwe ewe prokram epwe cheki ar tempuchu.
- Mwitir eimwueno seni ekkewe ekkoch serafo ika chon angang a uri mwor (e.g., semwen amairu chowan mwi), pwichikar, weires an emon epwe ngasangas, ika ekkoch pwan esisinin COVID-19 atun ewe ran/atun osukun me mwitir eniwir ngeni imwer.
  - Nupwen utiwiti waan ewe mi semwen epwe sato angei, emon chon angang epwe nonom ren ewe serafo non ew neni epwe towaweno seni meinisin. Ewe chon ninis epwe aea pwonupwonun won maas me nom towaw seni ewe serafo (epwe ukukun wonu (6) fii), fansoun witiwit me non ewe chok ew rumw.
  - Ewe serafo mei semwen epwe nom non imw non ukukun 10 ran mwirin an semwen me tori 24 awa mwirin an wes seni ewe pwichikar, nge ese uun safeian ekkukunnon pwichikar, me essinen COVID 19 (pwichikar, mwor, weires me ngasangas, me feiseni) mei wessino.
- Erukukunu pwe ewe prokram epwe awora ranin-asese seni angang nupwen semwen me enuk epwe mwumwuta an chon angang repwe nomwonong non imw fansoun semwen.
- Esinesin me angang fengen me ewe local public authority faniten nimenimen me porousen ika epwe kesip, ika pwun a or emon e tonong non ewe neni nge mi uri ewe COVID-19.
- Esinesin ngeni ewe local public health authority Ika a or ioien ewe semwen nein chon angangen prokram ika serafo.

## Towaw Fesen

### Meinisin prokram mei tichiki repwe fori ekkei:

- Eukuku chochon ew me ew kummi epwe 10 ika kisiseni ren serafo (“ekewe ir mi keffinita” wewen ekewe 10 ika kisiseni ren serafo non ew kummi non ew me ew ran).
  - Chochon ewe kummi ir mi keffinita epwe tongeni siwin fan ew esapw pwan fan chomong non ew week (e.g ekkewe camps mi fis iteiten wiik).
  - Prokram mei fori mokutukut mei sokono nesosor me mwirin neanowas ren ekkewe kumi mei tongeni epwe fis. Angangen nimenim epwe fis iteiten mwirin ew me ew ekei emwicheich.
  - Epwe or aninis mwan me mwirin ekewe kinikinin emwicheich faniten tumunun an ekkewe serafo repwe nom non en me an kummi ekewe ir mi keffinita ngeni ren unusen non ewe ran.
  - Ew prokram mei tongeni awora fitu kuumien 10 mei keffinita non ewe imw ika neni ika pwe mei ponuweta ewe towaw fesen nefinen chochon serafo mei fiti ewe mokutukut. Kuumi mei keffinita repwe chok keukun 1 chon angang me 10 serafo.
    - ♦ Keukun 35 square fiit emon semirit epwe kawor me non ewe neni, ren keukun me asan epwe 50 semirit;

- ♦ Keukun 75 square fiit emon semirit epwe kawor ren fitu mwicheich ika repwe chuu nukun ewe neni, keukun me asan epwe 100 semirit;
  - ♦ Serafo repwe angei ar aninisin aion, aea imwen ngaseno me fiti mokutukut epwe chok kawor ika epwe chok 10 chochon ewe kumi mei kefinita.
- Prokramen serafo mei keuk won 250 serafo non ewe imw fansoun kaeo non ewe wiiken prokram.
  - Chochon ew kummi ren ekkewe serafo me chon angang; ukkukun chon angang rese pwan nom non ewe anean 10 aramas. Ekewe chon angang mi eiteit ngeni ew kummi repwe achochongeni en me nom non an kummi. Chon angang ir mi churi ir me fitu ekkewe kummi repwe tenu/ sanitizeini peur wesin ar churi ew me ew kummi.
  - **Mwen me mwirin aninis:** Chochon ew me ew kummi esapw nap seni 10 serafo non fansoun kunokun an ew me ew kumi. Serafo rese tongeni fiti nap seni ruu emwicheich (pachenong ekkewe sein uwei aramas) non ewe ew chok wiik.
  - Emon chon angang ese tongeni epwe nom non unugnat kumi non ew raan me nimu kumi non ew wiik.
- Achochongeni ew me ew ekkewe kummi repwe en me nomweti non ar kewe nenien kae mi afateti iwewe resapw pwan kochu fengen ngeni ekkewe ekkoch kummi, fansoun nom non ewe imw.
  - Euku fitemon chon angang repwe churi ew me ewe kummien serafo; chon angang repwe en me angang ngeni ew chok kummi iwewe resapw mokut fetan non ew me ew ekkewe kummi, ika mi tufich. Ika “ekewe ekewinin chon angang” ika ekkoch chon angang repwe ekewin nefinen ekkewe kummi, iwewe repwe tenu ika sanitizeini peur me mwan ropwe tonong ren chochon ewe kummien serafo.
  - Esapw wor chon chuto me nukun repwe tonong non ewe prokram.
  - Pesei angangen towaw fesen atun ew me ew kinikin emwokut me asukun me opwonueta ewe ukukun (6) fiit nefinan aramas. Ew anapanap, ren tetenin program non ekkei nikinik:
    - Eukueno waten chufengenin aramas (wate seni ewe keukun ew kummi).
    - Anapano towaw fesenin nefinen ekkewe serafo atun feri ar angang won chepen.
    - Feri ekkewe sakkun mwokutukut esapw wor kinefengen ren ekkewe serafo.
    - Nimeti me aea nimenimen paikin won pisek aramas mei kan aea fengen. Ei mi pachenong, nge ese keuk seni pwan ekkei ekkoch pisek, ren pisekin chungu, pisekin nikitik me mitts. Aea nimenimen nieno paikin mei pachenong non noun Environmental Protection Agency (EPA) taropwen mei punguno fan iten SARS-CoV-2 virus ewe mei forata COVID-19.
    - Euku om uta non nain me ipweri ngeni an epwe fat ukukun ewe wonu (6) fiit nefinen ekkewe serafo pwe epwe ponuweta.

- Awateno towaw fesenin nefinen ekewe chon fiti mwokutukutun nikatik ren brass ika woodwind pwun ekei pisek mi tongeni epwe paras chenun aww nuu seni ewe wonu (6) feet.

## Angangen waten nimenim, aea ekkewe ninin paiking me apwopwon

### Meinisin prokram mei tichiki repwe fori ekkei:

- Nimeti, sanitize, me aea ninin paiking won ekewe metoch mi mecheres an aramas atapa (chowan, nenien semirit me kukunow, nenien teeki etip, sukun asam, sukun sink, taraku) fan fitu non ew ran.
- Achochongeni sisapw aea (chowan, metoch mi pwetete, nios) ekewe mi weires nimenimen, sanitizein ika ninin paiking.
- Tumunun me pungun aean nimenimen nieno paikin. Isonano ekewe ninin paiking seni semirit fiti ekkewe eureur won taropwen ewe, ekkewe mi afat meren chon feri.
- Tumunu nenien fetanin asepan epwe mwirino me anapano fetanin asepanin nukun ren omw kopwe suki ekkewe asamacho me asam, aea saipè, ika pwan met epwe anisi fetanin asepan.
  - Kosapw suki ekkewe asamwacho me asam ika pwe epwe efeiengaw ngeni nonomwun pochokunen (awewe ren, muut ngeni ekewe pipi ropwe sunong ika awateno an emon epwe uri mwi) ren chon camp ir mei aea ewe neni.

## Field Trip/Sein Uwei Aramas

Sai nepwin ese mumuta non ei fansoun.

### Meinisin prokram mei tichiki repwe fori ekkei:

- Ekisano fiti sai me ekkoch esapw chochon omw we kummi.
- Maketiw iten chochon ew me ew kummi me chon angang apachanong ewe chon unteng, apachanong ranin me kunokun ewe sai me ewe naman taraku/license.
- Muut ngeni ekewe waa repwe uwei fitu chonchon ew me ew kummi. Chon wei ekewe waa repwe aea pwonupwonun aww me pwot, pwonupwonun won maas ika eppetin won maas me sanitizeini peur me mwan me mwirin ar wei ew me ew ekewe kummi.
  - kEkewe taraku repwe nimenim mwirin an wei ew me ew ekewe kummien chon sukun me chon angang fiti pungun [kapsen ourour ren sein uwou aramas](#)
- Tumunu pwe serafo me chon angang ir mi momot won nenier kewe nge epwe wor unungat (3) fiitt nefinen aramas.

## Pekin mongo

### Meinisin prokram mei tichiki repwe fori ekkei:

- Nengen fichi angangen mwongo me isoisen mongo.

- Achema ngeni serafo me chon angang repwe tenu paaw iteitan ngeni sop me konik me mwen mongo. Non neni mei weires (e.g neni mei towaw), ikewe sopw me konik mei weires pwe ese wor ia epwe kusuto me ia, ka tongeni aia arukor-mei nofit sanitizer (60-95%).
- Epwechokuna serafo repwe pusin wouw ener, ika mei tufich. Repwe ereni serafo resapw mongo fengen aner mongo me pwan ekkewe chon fiti camp.
- Ennuku aea fengen mongo usun mongon-family, ren pwisin-tukotuk, me mongo fengen me uun fengen ren chon sukun me/ika chon angang.
- Ika ewe prokram mei awora mongo, chon angang ir repwe tukotuk mongo me chon sukun repwe feito ren chon angang fansoun mongo iwe repwe aea pwonupwon won maas ika epetin won maas.
- Ekkewe kunok mei afat ren fansoun mongo, chon sukun repwe atatiw ar kewe pwonupwonun won maas fansoun mongo me uun, nge repwe chok aponuweta ewe onu fiit towaw fesen nefiner me ekkoch, me pacheta sefan ar kewe pwonupwonun won maas nupwen ar wes me mongo.

### Ese pwan nifinifin:

- Prokram mi fis non neni mi suk ngeni aramas meinisin (e.g., parks) epwe fiti ekkewe pesepes mi kawor me asan me pwan [ekkoch eureur](#) mi wewe ngeni ewe prokram. Awewe, prokram non state parks repwe fiti eureur seni ewe state park pwan usun chok ekkewe eureur faniten Prokramen Serafo.
- Ika ewe prokram mei wor nenien-tuken ren ewe neni iwe epwe fiti ewe [Ourour ren Ekkewe Nenien Tuken](#).
- Lakes: Serafo me chon angang nupwen tuken non ewe lake repwe awora ewe 6- fiit towawfesen me fiti pungun tetenun paaw me ekkewe ekkoch anen nimeoch. Imwen siwininong me siwiniu non ufeufen tuken repwe fiti ewe [eureuren](#) ekkewe neni mei kukkun non (e.g. rumwen kapet, me pwan ekkoch).
- Prokram repwe trainini chon angang me mwen poputan ewe prokram. Ika pwe epwe wor asukun non feufeun aramas, epwe or towawfesen nefinen ekkewe aramas. Mei pachenong asukun won porousen COVID-19, nimenim/sanitation me pekin tumun.
- Per ORS 419B.005, "emon chon angangen muun ika ew sopai mei kamo mei awora tumunun-semirit ika mokutukut" mei nom non tetenin emon chon repot. Non ei atun osukosuken COVID-19, esinesin ren semirit ar peen kawet mei turutiw kisi seni 60%. Prokram epwe pachenong asukuna epwe wor esina me esinesin ren semirit mi peen kawet me ekan rese tumun. Chon angang ra tongeni esinesin ika mi wor kunaer semirit mei peen kawet repwe keru 1-855-503-SAFE (7233). Pwan ekkoch nongonong mei kawor seni ewe [Early Learning Division](#) me [Oregon Department of Education](#).
- Angangen chufengen ren nein chomong aramas a aweteno feiengawen ekewe aramas mi pwisin wor ar semwen. Ekkei mwichen aramas a mecheres an epwe pochokun ngenir semwenin COVID-19. Serafo me chon angang ir chochon ewe kummien aramas mi mecheres ngenir ei semwen a pesepes pwe resapw prokramen serafo.



- Mecheres feiengawan a wewe ngeni:
  - ♦ Aramas ier 65 me nap seni;
  - ♦ Aramas mi urir semwenin amat ika mi urir mwi;
  - ♦ Aramas mi urir semwenin ngasangas;
  - ♦ Aramas ese pwechokun inisir me fiu ngeni semwen pwe ir mei transplant
  - ♦ Aramas mei wate inisir me pouner (ar body mass index [BMI] a ukkukun 40 ika napeno seni);
  - ♦ Aramas mi urir suke;
  - ♦ Aramas mi urir kidney ika ir mi kan nom won dialysis;
  - ♦ Aramas mi urir semwenin liver; me
  - ♦ Me ekkewe sokkun semwen mi afat seni OHA ika CDC.

### **Pwan ekkoch nongonong:**

- [Sain ka tongeni pacheta](#)
- [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#)
- [An OHA Kapasen Ourour Ngeni ekkewe Nenien Angang](#)
- [An CDC Eurour ngeni Chon Nemeni ekkewe Nenien Kunou me Imwen Urumwot](#)
- [An ODE's \*Monetan Sukun, Tumunun Chon Kaeo Eureuren Sukun\*](#)
- [An ELD Eureuren Nenien Tumunun Semirit me Pekin Sukun an Kukkun](#)

**Toureochun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Pworousen Health won 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us)